

Cussagl da cumün

Protocol nr. 1 da ls sezzüda dals 9 favrer 2010

Avant co cumanzar culla sezzüda salüda il capo al nouvelet cusglier Armon à Porta e til giavüscha bler plaschair e satisfacziun in seis uffizi.

Cussagl da cumün incumbenzas

La glista da las incumbenzas vain repassada ed as preschainta sco segua:

Reto Pedotti, capo:

- finanzas, administraziun e persunal
- social e sandà
- cussagls administrativs: Hotel Engiadina ed Institut otalpin
- cussagl regiunal PEB
- rait da televisiun a cabel
- cumischiun da fö locala

Giovanin Josty:

- forestal
- alps e pas-chs
- vias champestras, sendas ed auals
- immundizchas, deponias e chava da gera
- veiculs da cumün

Armon à Porta:

- president dal cussagl da scoula
- tuot ils stabilimaints da cumün
- persuna da contact pel sport

Armon Lehner:

- sarinera e chanalisaziun
- provedimaint d'aua incl. reservuars
- suprastanza da Ftan Turissem e respunsabel per l'infrastructura turistica *
- trafic e pulizia
- persuna da contact per las societats culturalas e respunsabel per la biblioteca
- sunteri

Jachen Andri Cadonau:

- fabrica
- planisaziun cumünala
- provedimaint d'energia
- vias e plazzas da parcar in cumün
- cumischiun da fö locala e commember illa suprastanza da la „PISOC“

* vias da chaminar d'inviern, loipas, Lais da Pesch

Vice capo

Sco vice capo vain reelet Giovanin Josty.

Substituziun dal Cussagl

Ils cusgliers as substituiscan sco segua:

Giovanin Josty	substituiscan a	Reto Pedotti
Reto Pedotti	substituiscan a	Giovanin Josty
Armon Lehner	substituiscan a	Jachen Andri Cadonau
Jachen Andri Cadonau	substituiscan ad	Armon à Porta
Armon à Porta	substituiscan ad	Armon Lehner

Eleccziuns costituziunalas 2010 - 2012

- Cumischiun da fabrica: Michi Beer, reelecziun; Arno Nuotclà, reelecziun
- Controlla da predschs: Chatrina Bazzi, reelecziun
- Uffizi da guerra: Giana Josty-Willy, reelecziun; Richard Drago, reelecziun
- Cumischiun da fö: Jachen Andri Cadonau,reelecziun; Reto Pedotti, nouv (pel Cussagl), Ans Bazzell reelecziun ed Andri Bazzell reelecziun (pels pumpiers)
- Rapreschantant dmura d'attempats Punt'Ota: Reto Pedotti, reelecziun
- Commember i'l cussagl da fundaziun dal CSEB: Reto Pedotti, reelecziun
- Commember i'l cussagl da fundaziun Art Edgar Vital: Armon Lehner, nouv
- Rapreschantanta museum d'Engiadina Bassa: Anna Margaritta Cajos, reelecziun
- Rapreschantant Ftan Turissem: Armon Lehner, reelecziun
- Rapreschantant cussagl administrativ Hotel Engiadina: Reto Pedotti, reelecziun
- Rapreschantanta pel post da cusgliaziun per mammas e poppins: Ursula Kindschi, reelecziun.

Bazzell-Lammer Not e Ramona, chasa d'abitar

Il Cussagl decida da vender als conjugals Not e Ramona Bazzell-Lammer la parcella nr. 2722 in Fionas e conceda al listess mumaint il permiss per fabricar üna chasa d'abitar sülla parcella manzunada.

Stuppan-Weishaupt Jachen ed Anne-Laure

Ils conjugals Jachen ed Anne-Laure Stuppan vöglian fabricar üna chasa sülla parcella nr. 2728 in Fionas. Il Cussagl decida da reservar quella per ün on voul dir fin la fin da favrer 2011.

Pro Engiadina Bassa, revisiun dals statüts

La Pro Engiadina Bassa ha inizià üna procedura da consultaziun per la revisiun statüts. Il Cussagl piglia posiziun in scrit e giavüscha ils seguaints müdamaints:

- il cumün da Val Müstair dess eir esser integrà ill'organisaziun regiunala.
- la suprastanza as dess cumpuoner dal president e da quatter commembers chi vegnan eletts dal pövel.

Proget da perscrutaziun archeologic Engiadina Bassa

Daspö l'on 2007 vain realisà cun grond success ün proget da perscrutaziun archeologic illa Val Tasna. Ingon vain cuntinuà quel in Plan d'Agl e Plan da Mattun.

Els organiseschan ün'exposiziun illa tuor ad Ardez e quai d'ürant la stà. Il Cussagl decida da sustgnair l'exposiziun cun ün import da fr. 2'000.--. Il cumün d'Ardez sustegna eir cul listess import.

Lai da Padnal

Il capo orientescha al Cussagl davart il proget dal lai da Padnal. Id es previs da fuondar üna cumünanza d'interess (CI). Il proget e l'organisaziun da la CI dessan gnir

preschantats ad üna radunanza d'ürant il mais g'ün. Il cumün ha la respunsabilità illa CI e dess eir manar la gestiun.

Il capo: sig. Reto Pedotti

L'actuar: sig. Andri Florineth

publichà als 17/02/2010